



唐太宗皇帝集卷上

唐太宗皇帝集卷上

後漢書卷五

賦

感應賦 并序

唐太宗皇帝集卷上

感應賦

感應賦

余將問罪東夷言過洛邑聊因暇景散慮郊畿流眄城闕之間覩弱齡遊觀之所風雲如故卉木惟新少壯不留忽焉白首追思曩日緬成異世感時懷舊撫轡忘歸握管叙情賦之云爾  
惟端宸之餘隙屬凝陰於暮年時觀兵於九

伐脚息駕於三川登臨原隰悵望郊廛覽綺  
紈之遊踐觀疇昔而依然地不改其城闕時  
無其風煙想飛蓋於河曲思解珮於芝田  
挾彈銅駝之右連鑣金谷之前薪指倏其代  
謝舟壑俄而貿遷屬隨季之分崩遇中原之  
喪亂濯龍變爲汙池平樂化爲京觀天地兮  
厭黷人神兮憤惋遂收袂而電舉乃奮衣而  
雲翔據三秦兮鳳跣出九谷兮龍驤揮寶劍  
之虹彩迴彫戈於日光掃攙搶兮定六合廓

氛沴兮靜八荒昔總戎於藩屏今拱已於巖  
廊管餘故柳壘有殘牆懷壯齡之慷慨撫虛  
躬而自傷觀世俗之飄忽鑒存亡於宇宙林  
何春而不花花非故年之秀水何日而不波  
波非昔年之溜豈獨人之易新故在物而難  
舊歲月運兮寒復暑日月流兮夜還晝信造  
化之常經孰聖賢之可救於是停輿郊郭極  
眺山川信茲都之壯麗乃卜宅於姬年興亡  
兮代襲隆替兮相沿惟在德而爲固寔棄道

而難全仰煙霞兮思子晉俯涪汗兮想張喬  
歎高蹤之靡覲嘉令譽之空傳聊憑軾而靜  
慮懷古今而悵焉况復氣結隆冬歲窮餘律  
對落景之蒼茫聽寒風之蕭瑟雲散葉而無  
帶雪凝花而不實霧嶺斷兮疑連煙林疎兮  
似密節物同於前載歡憂殊於曩日扣沉思  
而多端寄翰墨而何述

臨層臺賦

惟萬機之暇景屏千慮於巖廊玄英移其暮  
節白日黯其斜光鬱金階兮起霧碧玉宇兮  
流霜延複道於阿閣啓重門於建章爾乃崇  
基迥構危簷間出暑終冬臺寒濃夏室望雕  
軒之拱漢觀鏤檻之擎日柱引桂而圓虛芬  
舒蓮而倒實霞觀近兮紅逼煙樓遙兮翠密  
念作者兮為勞愧居之而有逸於是慨然自  
思情懷不怡雖移新之建址實從故而毅基  
鑿前王之御世亦因機而化之換卑宮於穴  
處改巢樹於茅茨何燥濕之殊致乃澆淳之

換時有前前之屢改無後後之相師只若阿  
房初制窮八荒之巧藝甘泉始成極三秦之  
壯麗工靡日而不勞役無時而暫憇加以長  
城巨地絕脉遐荒豐障峙漢層簷映廊及是  
中華之弊翻資北狄之強烽纔煙而已備河  
欲凍而先防玉帛殫於帑藏黎庶殞於風霜  
噴胡塵於渭水騰朔馬於漁陽罄有限之賦  
歛給無厭之豺狼旣陵轢於千古乃虔思於  
百王屬虛躬之纂武登皇圖而御宇弘三策

於廟堂變千機於狂虜頓王綱於沙漠製雲  
羅於海浦移種落殄凶渠卷毳帳掃窮廬門  
無關於地軸戶不閉於天樞肆黎元於耕鑿  
一文軌於車書循今蹤兮覽前跡俯層城兮  
臨太液鑑高深之外固蕩心神而內益有土  
木之二勞非干戈之兩役雖復重基數仞異  
細柳之初營疊岼盈文開上林而翫兵彼露  
臺之一儉乃延德於蒼生此崇基之暫泰方  
起謗於黎吐利懷小而亡大害棄重而思輕

是猶蜀侯之貪金喪其國於岷嶷智伯之縱  
辯迷自灌於洪波鑿損益而爲寡殊禍福而  
成多故庸愚之常志豈賢達之殊智至若膏  
雨雲飛八絃廣被信觸類而流澤非有來於  
報施故爲而不自務者亦成功之大義愛而  
不知感者乃悖德之深累澄遣心慮坐怡情  
抱一德是珍萬物非寶不避辱於真惡豈求  
榮於僞好旣同德而同心共流芳於王道

小池賦

若夫素秋開律碧沼凝光引涇渭之餘潤縈  
咫尺之方塘竹分叢而合響草異色而同芳  
徘徊躑躅淹留自足疊風紋兮連復連折迴  
流兮曲復曲映垂蘭而轉翠翻輕苔而動綠  
牽狹鏡兮數尋汎芥舟而已沉湧菱花於岸  
腹劈蓮影於波心減微涓而頓淺足一滴而  
還深于時景落池濱霧黯踈筠舒卷澄霞彩  
高低碎月輪露宿鳥之全翮隱遊魚之半鱗  
岸隨年而或故流與日而終新雖有慙於溟

渤亦足瑩乎心神

五言雜詩

賦秋日愜清光賜房玄齡

秋露凝高掌朝光上翠微  
參差麗雙闕照曜滿重闈  
仙馭隨輪轉靈鳥帶影飛  
臨波無定彩入隙有圓暉  
還當葵藿志傾葉自相依

賦得白日半西山

紅輪不暫駐鳥飛豈復停  
岑霞漸漸落溪陰寸寸生  
藿葉隨光轉葵心逐照傾  
晚煙含樹

色樓烏雜流聲

遼城望月

玄兔月初明澄輝照遼碣  
映雲光暫隱隔樹花如綴  
魄滿桂枝圓輪虧鏡彩缺  
臨城却影散帶暈重圍結  
駐蹕俯九都停觀妖氛滅

詠雨

和氣吹綠野梅雨灑芳田  
細流添舊澗宿霧足朝煙  
鴈濕行無次花沾色更鮮  
對此欣登歲披襟弄五絃

望雪

秋雲宵徧嶺素雪曉凝華  
入牖千重碎迎風一半斜  
不粧空散粉無樹獨飄花  
縈空慙夕照破彩謝晨霞

初晴落景

晚霞聊自怡初晴彌可喜  
日光百花色風動千株翠  
池魚躍不同園鳥聲還異  
寄言博通者知予物外志

詠風

蕭條起關塞搖颺下蓬瀛  
拂林花亂彩響谷鳥分聲  
披雲羅影散泛水織文生  
勞歌大風曲威加四海清

首春

寒隨窮律變春逐鳥聲開  
初風飄帶柳曉雪間花梅  
碧林青舊竹綠沼翠新苔  
芝田初鴈去綺樹巧鶯來

月晦

晦魄移中律凝暄起麗城  
罩雲朝盖上穿露



曉珠呈笑樹花分色啼枝鳥合聲披衿歡眺  
望極目暢春情

初夏

一朝春夏改隔夜鳥花遷陰陽深淺葉曉夕  
重輕煙哢鶯猶響殿橫絲正網天珮高蘭影  
接綬細草文連碧鱗驚棹側玄燕舞簷前何  
必汾陽處始復有山泉

賦得夏首啓節

北闕三春晚南榮九夏初黃鶯弄漸變翠林

花落餘瀑流還響石猿啼自應虛早荷向心  
卷長楊就影舒此時歡不及調軫坐相於

度秋

夏律昨留灰秋箭今移晷峨眉岫初出洞庭  
波暫起桂白發幽巖菊黃開灞涘運流方可  
嘆含毫屬微理

秋日二首

爽氣澄蘭沼秋風動桂林露凝千片玉菊散  
一叢金日岫高低影雲空點綴陰蓬瀛不可

望泉石且娛心  
菊散金風起荷踈玉露圓將秋數行鴈離夏  
幾林蟬雲凝愁半嶺霞碎纈高天還似成都  
望直見蛾眉前

秋夜翠微宮

秋光凝翠嶺涼吹肅離宮荷踈一蓋缺樹冷  
半帷空側陣移鴻影圓花釘菊叢攄懷俗塵  
外高眺白雲中

守歲

暮景叙芳嚴年華麗綺宮寒辭去冬雪暖帶  
入春風階馥舒梅素盤卷花燭紅共懽新故  
歲迎送一宵中

除夜

歲陰窮暮紀獻節啓新芳冬盡今宵促年開  
明日長冰消出鏡水梅散入風香對此歡終  
宴傾壺待曙光

望終南山

重巒俯渭水碧嶂插遙天出紅扶嶺日入翠

貯巖煙疊松朝若夜復岫闕疑全對此恬千  
慮無勞訪九仙

入潼關

峻亟稱地險襟帶壯兩京霜峯直臨道水河  
曲繞城古木參差影寒猿斷續聲冠蓋往來  
合風塵朝夕驚高談先馬度僞曉預雞鳴棄  
繻懷遠志封泥負壯情別有真人氣安知名  
不名

經破薛舉戰地

昔年懷壯氣提戈初仗節心隨朗日高志與  
秋霜潔移鋒驚電起轉戰長河決營碎落星  
沉陣卷橫雲裂一揮氛沴靜再舉鯨鯢滅於  
茲俯舊原屬目駐華軒沉沙無故迹滅竈有  
殘痕浪霞穿水淨峰霧抱蓮昏世途亟流易  
人事殊今昔長想眺前蹤撫躬聊自適

重幸武功

代馬依朔吹驚禽愁昔叢况茲承睿德懷舊  
感深衷積善忻餘慶暢武閱神功垂衣天下

治端拱車書同白水巡前跡丹陵幸舊宮列  
筵懽故老高宴聚新豐駐蹕撫田峻迴輿訪  
牧童瑞氣縈丹闕祥煙散碧空孤嶼含霜白  
遙山帶日紅於焉歡擊筑聊以詠南風

過温湯

温渚停仙蹕豐郊駐曉旌路曲回輪影巖虛  
傳漏聲暖溜驚湍駛寒空碧霧輕林黃踈葉  
下野白曙霜明眺聽良無已煙霞斷續生

春日望海

披襟眺滄海憑軾翫春芳積流橫地紀疏派  
引天潢仙氣凝三嶺和風扇八荒拂潮雲布  
色穿浪日舒光照岼花分彩迷雲鴈斷行懷  
卑運深廣持滿守靈長有形非易測無源詎  
可量洪濤經變野翠島屢成桑之杲思漢帝  
碣石想秦皇霓裳非本意端拱且圖王

洛水

春蒐馳駿骨總轡俯長河霞處流縈錦風前  
漾卷羅水花翻照樹堤蘭倒挿波豈必紛陰

曲秋雲發棹歌

宴中山

驅馬出遼陽萬里轉旆常對敵六奇舉臨戎  
八陣張斬黥澄碧海卷霧掃扶桑昔去蘭綰  
翠今來桂染芳雲枝浮碎葉冰鏡上朝光回  
首長安道方懽宴栢梁

春日玄武門宴群臣

韶光開令序淑氣動芳年駐輦華林側高宴  
栢梁前紫庭文樹滿丹堦袞綬連九夷瑤席

五狄列瓊筵娛賓歌湛露廣樂奏鈞天盈樽  
浮綠醕雅曲韻朱絃粵余君萬國還慙俯八  
埏庶幾保貞固虛已厲求賢

執契靜三邊

執契靜三邊持衡臨萬姓玉彩輝關燭金華  
流日鏡無爲宇宙清有美璇璣正皎珮星連  
景飄衣雲結慶戢戈榮七德昇文輝九功煙  
波澄舊碧塵火息前紅霜野韜蓮劔關城罷  
月弓錢綴榆天合新城柳塞空花銷蕊嶺雪

穀盡流沙霧秋駕轉兢懷春冰彌軫慮書絕  
龍庭羽烽休鳳穴戍衣宵寢二難食旰食三  
懼翦暴興先廢除凶存昔亡圓蓋歸天壤方  
輿入地荒乳海池京邑雙河治帝鄉循躬思  
勵已撫俗愧時康元首佇鹽梅股肱唯輔弼  
羽賢崆嶺四翼聖襄城七澆俗庶反淳替文  
聊就質已知隆至道共歡區宇一

唐太宗皇帝集卷上

唐太宗皇帝集卷下

五言雜詩

元日

高軒暖春色邃閣媚朝光彤庭飛綵旆翠幌  
曜明璫恭已臨四極垂衣馭八荒霜戟列丹  
階絲竹韻長廊穆矣薰風茂康哉帝道昌繼  
文遵後軌循古鑒前王草秀故春色梅艷昔  
年粧巨川思欲濟終以寄舟航

秋日即日

爽氣浮丹闕秋光澹紫宮  
衣碎荷疎影花明菊點叢  
袍輕低草露蓋側舞松風  
散岫飄雲葉迷路飛煙鴻  
砌冷蘭凋佩閨寒樹隕桐  
別鶴棲琴果離猿啼峽中  
落野飛星箭弦虛半月弓  
芳菲夕霧起暮色滿房櫳

初秋夜坐

斜廊連綺閣初月照宵帷  
塞冷鴻飛疾園秋蟬噪遲  
露結林疎葉寒輕菊吐滋  
愁心逢此節長嘆獨含悲

遼東山夜臨秋

煙生遙岸隱月落半崖陰  
連山驚鳥亂隔岫斷猿吟

秋暮言志

朝光浮燒野霜華淨碧空  
結浪冰初鏡在徑菊方叢  
約嶺煙深翠分旗霞文紅  
抽思滋泉側飛想傳巖中  
已獲千箱慶何以繼薰風

詩雨

舞商初赴節湘燕遠迎秋  
飄絲交殿網亂滴

起池漚激溜分龍闕斜飛灑鳳樓崇朝方浹  
寓宸盼俯凝旒

喜雪

碧昏朝合霧丹卷暝韜霞結葉繁雲色凝瑤  
通雪花光樓皎若粉映幕集疑沙泛柳飛飛  
絮粧梅片片花照壁臺圓月飄珠箔穿露瑤  
潔短長階玉聚高下樹映桐珪累白榮峰連  
抱素斷續氣將沉徘徊歲云暮懷珍愧隱德  
表瑞佇豐年蓋間 禁苑雀處舞伊川儻詠

幽蘭曲同懽黃竹篇

詠雪

絜野凝晨曜裝墀帶夕輝集條分樹玉拂浪  
影泉璣色灑粧臺粉花飄綺席衣入扇縈離  
匣點素皎殘機

登三臺言志

未央初壯漢阿房昔侈秦在危猶騁麗宮奢  
遂役人豈如家四海日宇整朝倫扇天裁戶  
舊砌地剪基新引月擎宵桂飄雲暹曙鱗露



除光炫玉霜闕映雕銀舞接花梁燕歌迎鳥  
路塵鏡池波太液莊苑麗宜春作暴井泉日  
停非路寢宸念勞慙逸已居曠反勞神所欣  
成大厦寵臨停渭濱

過舊宅二首

新豐停翠輦誰邑駐鳴笳園荒一徑斷臺古  
半階斜前池消舊水昔樹發今花一朝辭此  
地四海遂成家

金輿巡白水王輦駐新豐  
紉落藤披架花殘  
菊破叢葉鋪荒草蔓流竭半池空  
紉珮蘭凋徑舒圭葉剪桐  
昔地一番內今宅九圍中  
架海波澄鏡韜戈器反農  
八表文同軌無勞歌大風

儀鸞殿早秋

寒驚薊門葉秋發小山枝  
松陰昔日轉竹影避風移  
提壺菊花岸高興芙蓉池  
欲知涼氣早巢空燕不窺

初春登樓即日觀作述懷

憑軒俯蘭閣眺矚散靈襟綺峯含翠霧照日  
蓋紅林鏤丹霞錦岫殘素雪斑岑拂浪隄垂  
柳嬌花鳥續吟連薨豈一拱衆幹如千尋明  
非獨材力終藉棟梁深彌懷矜樂志更懼戒  
盈心愧制勞居逸方龜十產金

春日登陝州城樓俯眺原野迴舟碧  
綴煙霞密翠班紅芳菲花柳即目川  
岫聊以命篇

碧原開霧隰綺嶺峻霞城煙峰高下翠日浪  
淺深明班紅粧蓋樹圓青壓溜荆迹巖勞傳  
想窺野訪莘情巨川何以濟舟楫佇時英

過慈恩寺

日宮開百仞月殿聳千尋花蓋飛圓影幡虹  
曳曲陰霞綺遙籠帳叢珠細網林寥廓煙雲  
表超然物外心

正日臨朝

條風開獻節仄律動初陽百蠻奉遐  
萬國朝未央雖無舜禹跡幸欣天地康車軌同八

表書文混四方赫奕儼冠蓋紛紛盛服章羽  
旄飛馳道鍾鼓震巖廊組練輝霞色霜戟照  
朝光晨宵懷至理終愧撫遐荒

帝京篇十首

秦川惟帝宅函谷壯皇居綺殿千尋起離宮  
百雉餘連薨遙接漢飛觀迴凌虛雲日隱層  
闕風煙出綺疏

巖廊罷機務崇文聊駐輦玉匣啓龍圖金繩  
披鳥篆韋編斷方續縹帙舒還卷對此乃忘

憂歌案觀墳典

移步出詞林停輿欣武宴琯弓寫明月駿馬  
疑流電驚鴈落虛弦啼猿悲急箭閱賞誠多  
美於茲乃志倦

鳴笳臨樂館眺聽歡芳節急管韻朱絃清歌  
凝白雪彩鳳肅來儀玄雀紛成列去茲鄭衛  
聲雅音方可悅

芳辰追逸趣禁苑信多奇橋形通漢上峰勢  
接雲危煙霞交隱映花鳥自參差何如肆轍

跡萬里賞瑤池  
飛蓋去芳園蘭橈遊翠渚梁間日彩亂落處  
香風舉桂楫滿中川絃歌振長嶼豈獨紛河  
曲方為歡宴所

落日雙闕昏迴輿九重暮長煙引初碧皎月  
澄輕素寒幌翫琴書開軒引雲霧斜漢耿層  
閣清風搖玉樹

觀樂難再逢芳辰良可惜玉酒泛雲罍蘭肴  
陳綺席千鍾合堯禹百獸諧金石得志重寸

陰忘懷輕尺璧

建章歡賞夕二八盡妖妍羅綺昭陽殿芬芳  
璚瑁筵珮移星正動扇掩月初圓無勞上玄  
圃即此對神仙

以茲遊觀極悠然獨長想披卷覽前蹤撫躬  
尋既往望古茅茨約瞻今蘭殿廣人道惡高  
危虚心戒盈蕩奉天謁誠敬臨民思惠養納  
善察忠諫明科慎刑賞六五誠難繼四三非  
易仰廣待淳化敷方嗣雲亭響

三層閣上置音聲

綺筵移暮景紫閣引宵煙  
隔棟歌塵合分階  
舞影連聲流三處管響亂一重絃  
不似秦樓上吹簫空學仙

琵琶

半月無雙影金花有四時  
摧藏千里態掩抑  
幾重悲促節紫紅袖清音滿翠帷  
駛彈風響急緩曲鈿聲遲  
空餘關隴恨因此代相思

於北平作

翠野駐戎軒盧龍轉征旆  
遙山麗如綺長流縈似帶  
海氣百重樓巖松三尺大  
茲馬可遊賞何必襄城外

望送魏徵葬

閭闔總金鞍上林移玉輦  
野郊愴新別河橋非舊餞  
慘日映峯沉愁雲隨蓋轉  
哀笳時斷續悲旌乍舒卷  
望望情何極浪浪淚空泫  
無復昔時人芳春共誰遣

詠桃

禁苑春暉麗花蹊綺樹粧綴條深淺色點露  
叅差光向日分千笑迎風共一香如何仙嶺  
側獨秀隱遙芳

採芙蓉

結伴戲方塘携手上彫航船移分細浪風散  
動浮香遊鷺無定曲鷺鳧着亂行蓮稀釧聲  
斷水廣棹歌長棲鳥還密樹泛流歸建章

殘菊

階蘭凝曙霜岸菊照晨光露濃晞曉笑風動

搖殘香細葉彫輕翠圓花飛碎黃還持今歲  
色復結後年芳

春池柳

年柳變池臺隋堤曲直廻逐浪絲陰去迎風  
帶影來疎黃一鳥呀半翠幾眉開紫雪臨春  
岍叅差間早梅

賦得櫻桃春字韻

華林滿芳景洛陽偏宜春朱顏含遠日翠色  
影長喬柯轉嬌鳥低枝映美人昔作園中

實今來席上珍

賦得李

玉衡流桂圃成蹊正可尋  
鶯啼密葉外蝶戲翠花心  
麗景光朝彩輕霞散夕陰  
暫顧暉章側遠眺靈山林

芳蘭

春暉開禁苑淑景媚蘭場  
映庭含淺色凝露泫浮光  
日麗參差影風傳輕重香  
會須君子折佩裏作芬芳

詠烏代陳師道

凌晨麗城去薄暮上林棲  
辭枝枝暫起停樹樹還低  
向日終難托迎風詎肯迷  
只待纖纖手曲裏作宵啼

飲馬

駿骨飲長涇奔流灑絡繹  
細艾連噴聚亂荇遶蹄紫  
水光鞍上側馬影溜中橫  
翻似天池裏騰波龍種生

五言秋日學庾信體

嶺銜宵月桂珠穿曉露叢  
蟬啼覺樹冷螢火不溫  
風花生圓菊蕊荷盡戲  
魚通晨浦鳴飛鴈夕渚  
集栖鴻颯颯高天吹氛  
澄下熾空

唐太宗皇帝集卷下終





